

周易卷六十七

新刻來瞿唐先生易註卷之六

永川凌夫惇厚子甫圈點

廬陵高翮映雪君甫校讐

三三 震下
乾上

无妄災也

无妄者。至誠无虛妄也。史記作无。所期望。蓋惟本无妄。所以凡事盡其在我。而于吉凶禍福皆委之自然。未常有所期望。所以无妄也。以天道言。實理之自然。以聖人言。實心之自然。故有正不正之分。蓋震者動也。動以天。爲无妄。動以人。則妄矣。序卦復則不妄。故受之以无妄。

所以次復。

无妄元亨利貞。其匪正有眚。不利有攸往。

惟其无妄所以不期望。若處心未免于妄而匪正則无道以致福。而妄欲徼福。非所謂无妄之福。有過以召災。而妄欲免災。非所謂无妄之災。此皆未免容心于禍福之間。非所謂无妄也。豈不有眚。若貞實无妄之人。則純乎正理。禍福一付之天。而无苟得幸免之心矣。

彖曰无妄剛自外來而爲主于內動而健。剛中而應大亨。

如匪正之往

以正天之命也。其匪正有眚。不利有攸往。无妄之往何之。

如來宜如
此說

矣。天命不祐，行矣哉。

註以剛自外來爲匪正以動健中應爲正大是纏擾于白文不順若以自

外來爲主都是正反是
卽爲匪正豈不明白

本卦綜大畜二卦同體文王綜爲一卦故雜卦曰大畜

時也。无妄災也。剛自外來者。大畜上卦之艮來居无妄

之下卦而爲震也。剛自外來作主于內又性震動又自

外來則動以人。不動以天。非至誠无虛妄矣。所以有人

之眚而不利有攸往也。內動而外健故大亨。剛中而應

故正。天命者至誠乃天命之實理。反身而誠者也。若自

外來豈得爲天命。○以卦綜卦德卦體釋卦辭言文王

卦辭元亨利貞之外而又言其匪正有眚不利有攸往者以剛自外來而爲主于內也若本卦動而健以剛中而應柔中則大亨以正矣大亨以正實天之命也天命實理无一毫人欲之私此文王卦辭所以言元亨也若以外來者爲主則有人欲之私非反身而誠天命之實理卽匪正矣欲往也將何之哉是以天命不祗有眚而不利也此所以文王卦辭言元亨而又利貞也若舊註以剛自外來爲自訟來則非自外來乃自內來矣

象曰天下雷行物與无妄先王以茂對時育萬物

茂者盛也。物物皆對時而育之。所育者極其盛大。非止一物也。卽如雷地豫之殷也。對時者。因雷發生。萬物對其所育之時也。如孟春犧牲毋用牝之類是也。天下雷行。震動發生。一物各具一太極。是物物而與之无妄者。天道之自然也。茂對時育物。樽節愛養。輔相裁成。使物物各遂其无妄之性者。聖人之當然也。

初九无妄往吉。

爻與彖辭不同者。爻以一爻之定體而言。彖以全體相綜大畜而言。○九以陽剛之德居无妄之初。有所動所。

謂動以天也。且應爻亦剛无係戀之私。是一感一應純。乎其誠矣。何吉如之。故占者往則吉。

象曰无妄之往得志也。

誠能動物何往而不遂其心志。

六二不耕穫不菑畲則利有攸往。

耕者春耕穫者秋歛畲者田之一歲墾而方成者。畲者田之三歲墾而已熟者。農家始而耕終而穫。始而菑終而畲。不耕穫者不方。耕而卽望其穫也。不菑畲者不方。菑而卽望其畲也。耕也菑也卽明其道也。穫也畲也卽

程傳本義
依經文二
字連讀此
註未免增
添然方是
正理

功也。曰不耕獲。不菑畲。卽明其道。不計其功也。觀小象
未富可見矣。若程傳不首造其事本義。无所爲于前。无
所冀于後。將道理通講空了。乃禪學也。吾儒聖人之學。
進德修業。盡其理之當然。窮通得喪。聽其人之自然。修
身俟命。此正所謂无妄也。豈一點道理不盡。空空寂寂。
謂之无妄哉。初爲地位。二爲田。故九二曰見龍在田。震
居東。二三皆陰土。水臨土上。春耕之象也。震爲禾稼。中
爻艮爲手。禾在手。獲之象也。中爻與下卦震上入下動。
畝畝之象也。故未耨取諸盆。○六二。柔順中正。當无妄。

之時。无私意期望之心。故有不耕穫不菑畲之象。言雖爲于前。无所望于後。占者必如此。則利有攸往矣。

象曰不耕穫未富也。

言未有富之心也。此富字雖曰未有此心。然亦本于象。蓋與爲市利。小畜上體乃與。小象曰不獨富也。此卦中爻與曰未富者。未入與之位也。

六三无妄之災。或繫之牛。行人之得。邑人之災。

本卦大象離。此爻又變離。離爲牛。牛之象也。中爻與爲繩。又艮爲鼻。繩繫牛鼻之象也。震爲足。行之象也。三爲

人位。人在震之大塗。行人之象也。三居坤土。得稱邑。又居人位。邑人之象也。此爻居震動之極。牛失之象也。又變離錯坎。坎爲盜。亦牛失之象也。或者假如之意。假牛以明无妄之災。乃六三也。卽邑人也。○六三。陰柔不正。故有此象。言或繫牛于此。乃邑人之牛也。牛有所繫。本不期其失。偶脫所繫。而爲行人所得。邑人有失牛之災。亦適然不幸。其非自己。有以致之。故爲无妄之災。卽象而占可知矣。

象曰。行人得牛。邑人災也。

行人得牛而去。邑人不期望其失牛。而失牛。故爲无妄。

之災。

得牛无妄之福也。邑人災无妄之禍也。爻詞單言无妄之災。小象言邑人之災。由行人得牛來彼得。

此失禍福本相因也。也字可味。

九四可貞无咎。

可者當也。九陽剛健體。其才亦可以有爲者。但下无應與。无所係戀。而无妄者也。占者得此。但可守此。无妄之正道。卽无咎矣。若妄動。又不免有咎也。

象曰可貞无咎。固有之也。

固有者。本有也。无應與。則无係戀。而无妄。則无妄。乃九

四之本有也。

九五无妄之疾。勿藥有喜。

五變則中爻成坎。坎爲心病。疾之象也。中爻與木。艮石。藥之象也。中爻與綜兌。悅喜之象也。意外之變。雖聖人亦不能无。但聖人廓然大公。物來順應。來則照。而去不留。无意必固我之私。是以意外之來。猶无妄之疾。○九五陽剛中正。以居尊位而下。應亦中正。无妄之至也。如是而猶有疾。乃无妄之疾。不當得而得者。故勿藥自愈。其象占如此。

象曰无妄之藥不可試也。

試者少嘗之也。无妄之疾勿藥者。以无妄之藥不可嘗也。若嘗而攻治。則反爲妄。而生疾矣。故不可輕試其藥。

止可聽其自愈。

九五剛中。中剛則外物不得而傷之。禹征有苗。猶爲多事。

上九无妄。行有責。无攸利。

下應震足。行之象也。九非有妄。但時位窮極。不可行耳。

故其象占如此。

象曰无妄之行。窮之災也。

无妄未有不可行者。以時位耳。與亢龍同。故二小象亦

同。窮指
上言

三三
艮上 乾下

大畜時也

大者陽也。其卦乾下艮上。以陽畜陽。所畜之力大。非如
巽以陰畜陽之小。故曰大畜。又有蘊畜畜止二義。序卦
有无妄然後可畜。故受之以大畜。所以次无妄。

大畜利貞。不家食。吉利涉大川。

中爻兌口在外。四近于五之君。嘗食祿于朝。不家食之
象也。何以言食。本卦大象離。故彖辭曰輝光日新者。因
大象離也。離錯坎。又象頤。有飲食自養之象。因錯坎水

中爻震木。所以有涉大川之象。又本卦錯萃。萃大象坎。若以卦體論。四五中空。有舟象。乾健應四五上進。有舟行而前之象。應乎天者。以卦德論其理也。彖辭爻辭。皆各取義不同。貞者正也。利于正道。如多識前言往行。以畜其德。是也。吉者吾道之大行也。言所蘊畜者皆正。則畜極而通。當食祿于朝。大有作爲。以濟天下之食也。

彖曰大畜剛健篤實輝光。日新其德。剛上而尚賢。能止健。大正也。不家食。吉養賢也。利涉大川。應乎天也。

以卦德卦綜卦體釋卦名。卦辭剛健者內而存。王也。篤

實者外而踐履也。剛健无一毫人欲之陰私。篤實无一毫人欲之虛假。則闇然日章。光輝宜著。其德自日新。又新。所以積小而大。以成其畜也。名大畜者。以此剛健乾象。篤實艮象。二體相合。離象。故又言輝光日新。剛上者大畜。綜无妄无妄下卦之震。上而爲大畜之艮也。上而爲艮。則陽剛之賢在上矣。是尙其賢也。止健者。止居上而健居下。禁民之強暴也。此二者皆大正之事。所以利貞。若以止健爲止陽剛。君子則又非大正矣。養賢者。食祿以養賢也。應天者。下應乎乾也。天者時而已矣。旣負

蘊畜之才。又有乾健之力。所以當乘時而出。以濟天下之險難也。惟剛上則賢人在上。故能尙賢。故能成艮而止健。故能兌口在外。卦而食祿于外。故能六五得中而應乎乾。此四者皆卦綜剛上之功也。

象曰天在中。大畜君子以多識前言往行。以畜其德。

天者。一月而已。氣貫乎地中。天依乎地。地附乎天。雲雷皆自地出。故凡地下皆是天。故曰天在山中。多識卽大畜之意。乃知之功夫也。古聖賢之嘉言善行。皆理之所在。皆古人之德也。君子多識之考跡。以親其用。察言以